

# পারের গান ।



শ্রীকিশোরী মোহন ঘোষাল ।

মূল্য—১, টাকা

প্রকাশক,  
শ্রীনিবারণচন্দ্র ভট্টাচার্য্য,  
স্বাস্থ্য লাইব্রেরী,  
১৯৫১২ কংগ্রেস স্ট্রীট, কলিকাতা ।

• কোহিনূর প্রিন্টিং ওয়ার্কস্ ।  
শ্রীনৃসিংহ প্রসাদ বসু দ্বারা মুদ্রিত ।  
১১১/২এ মালিকতলা স্ট্রীট, কলিকাতা ।

# আজ মহালয়া !

কোয়লপুৰ, শ্ৰীৰামপুৰ । }  
১২ আশ্বিন, সন ১৩৩৩ সাল । } . ' শ্ৰীকিশোৰী ।



## উৎসর্গ ।

সারাটি জীবন ধরি' করেছি চয়ন  
যত ফুল,—সবগুলি দিয়াছি তোমা'য় ।  
আজিকার ফুলগুলি জীবন-সম্ব্যায়  
ভরিয়া এনেছি থালা, করিতে অর্পণ !  
দেউল দুয়ার যোগে গেছে আজি খুলি,—  
অশ্রুমাখা ফুলগুলি লও দেবি, তুলি' !



## উপভাষা ।

যেথা হ'তে এনেছিলে প্রিয়া,  
এনেছিলে মুদুমন্দ-হাসি,  
এনেছিলে মলয় বাতাস,  
এনেছিলে জোছনার রাশি,  
এনেছিলে ব্রততীর লাজ,  
এনেছিলে কুসুমের গন্ধ,  
এনেছিলে প্রাণভরা সুর,  
এনেছিলে মোহমাখা ছন্দ,  
এনেছিলে শুদ্ধ-অনাবিল  
স্নেহ-প্রীতি মমতালুহরী  
এনেছিলে উদার হৃদয়  
বিশ্বখানি আপনার করি',





## সূচীপত্র ।

বিষয়		পৃষ্ঠা
১ । মহাপ্রস্থান	সিঁতের গোভে রাঙা সিঁদুর	১
২ । অনন্ত চিন্তা	নিভেছে ত চিত্তানল	৭
৩ । সিন্ধুতীরে	পাগলারে আর বসে কেন	৯
৪ । হাহাকার	কোন আলো ওগো কোন্ আলো	১৩
৫ । ব্যবধান	কেঁদে কেঁদে কুটীর দুয়ুরে	২৮
৬ । অশ্রু	ভ্রমি পেরেছ কি প্রিয়া জানতে	৩৪
৭ । প্রতীক্ষায়	সিন্ধুপারে আকুল সুরে	৩৬
৮ । আশা	সেদিন বখন দিনের শেষে	৪০
৯ । আকাঙ্ক্ষা	দিনের আলো মিলিয়ে গেল	৪৩
১০ । যাত্রী	আমার জীবন আমার মরণ	৪৫
১১ । স্মৃতি	উড়ে এল সোণার পাখী	৪৭
১২ । স্বপ্ন	নারা জীবনের যতক আসারে	৫৩

১৩। মোহ	অনেক দিনের কথা প্রিয়া	৫৭
১৪। জাগরণ	দলিত মথিত ব্যথিত কুমুম	৬৬
১৫। মৃত্যু-মিলন	মৃত্যু তোমা করিবারে চুরি	৬৮
১৬। অনুভূতি	কোন্ তপ্ত বিরহীর আঁখি	৭০
১৭। আগমনী	ওগো প্রিয়া আজি এই	৭৬
১৮। বিশ্বরূপ	আমার সকল দ্বিধা সকল দৈন্ত	৭৮
১৯। লীলা	আজকে প্রিয়া আজ আমাদের	৮৬
২০। মিলনের সার্ভা	ঘুম কাভুরে ঘুমের ঘোরে	৯০
২১। মহামিলন	মৃত্যুশিঙা বাজিয়ে দেরে	৯৫

# পারের গান ।

## মহাপ্রস্থান ।

সিঁতেয় শোভে রাঙা সিঁদুর  
লাল্ আঁলতা পায়,  
রাঙাপেড়ে সাড়ী খানি  
লুটিয়ে পড়ে গায়,—  
ও গো প্রিয়া,—কোন্ সুদূরের  
আলোক রেখা দেখে  
এ রেশে আজ যাচ্ছ চলে  
সেই রাঙিমা মেখে !  
এরই মাকে সন্ধ্যা কিগো  
আকাশ এল ঘিরে ?  
যাচ্ছ প্রিয়া কোন্ সেন দেশে  
কোন্ সাগরের তীরে ?

## পারের গান

কোন বাঁশী কে বাজালে গো

মাতিয়ে দিলে প্রাণ,—

পাথার পারে গাইলে কেগো

প্রাণভোলান গান !

প্রাণের তোমার সকল কণা

কহিতে আমার মনে—

এই কথাটা কেন প্রিয়া

রাখলে মনে মনে !

কা'র ডাকেতে চমকে উঠে

যাচ্ছ চলে আজ

ছিঁড়ে' ফেলে' সকল মায়া

ফেলে' সকল কাজ !

সিন্ধুকূলে ছিলুম বসে

একলা কুটির বেঁধে,

আসত তুমি, ডেকে যেত

আমায় কতই সেধে,

হাস্তমুখী রাঙা উষার

সাগর-জলে স্নান,

রষ্টি-ধারা স্নেহরনে

ভিজিয়ে দিত প্রাণ,

আধার নিশায় আমায় নিতে

আকাশ হ'তে তারা

ঝাঁপিয়ে পড়'ত সাগর-জলে

হ'য়ে দিশেহারা !

একদিন এক মধুর স্বপন—

• চুম্বনেরই গেলা,

আকাশ চুমে সাগর জলে

সাগর চুমে বেলা,

বেলা চুমে তীরের 'পরের

তরু-রাজির ছায়া,

বাতাস চুমে পাখীর গানে, -

• একি শুগো মায়া !

## পারের গান

যুদ্ধপ্রাণে দেখি সুদূর  
দিগন্তেরই কোলে  
কি যেন এক আলোক-ছটা  
ফুটল সাগর-জগে !

উঠল প্রাণে কি যেন কি  
স্বপ্নমাথা গান,—  
মনে হ'ল,—পেলুম যেন  
নতুন কোন প্রাণ !  
কোন দেবতা আসে ও গো  
সিন্ধুধারে থেকে  
মাঝার মধুর তুলি দিয়ে  
বিশ্বখানি এঁকে !  
ঢেউয়ের পরে ঢেউ ছুটেছে  
ঢেউয়ের মাথায় তরি,—  
তারির পরে কে গো তুমি  
ভুবন আলো করি !

নেচে নেচে ঢেউয়ের মাথায়

লাগ্ন তরি কুলে

পিছন হতে লহর নাচে

সোহাগেতে ছলে !

ছটে এসে জড়িয়ে গলা

কে তুমি গো হেনে

তোমার সকল সঁপে দিলে

এমন ভালবেসে !

অশ্বু-নিধির কশ্বু-নিদাদ,

কুলে পাখীর গান, —

এরই মাঝে তোমায় আমায়

মিশিয়ে দিলুম প্রাণ

সেই কথা কি আজকে প্রিয়া

পড়ল তোমার মনে ?

ফুটল কিগো সেই আলো আজ

অরুণ কিরণে ?

## পারের গান

আজকে আবার সাগরবুকে

উঠল কি সেই গান ?

তেমনি কি গো ফুলের হাসি

মাতিয়ে দিল প্রাণ ?

সাগর থেকে ডাকল কি কেউ

আবার দুহাত ভুলে ?

বল প্রিয়া যাচ্ছ তবে

কোন্ কুহকে ভুলে !



## অনন্ত চিতা ।

নিভেছে ত চিতানল,—

আর কেন ঢাল জল ?

তোমরা জাননা ওগো

ও বারির প্রতি বিন্দু

মহাসিন্ধু করিবে সৃজন !

বিদায়ের গান গাতি’

• অসীমের পানে চাহি’ •

সাহসে করেছ ছাই—

সে যে ওগো ওই তীর্থে

করিয়াছে অস্তিম শয়ন !

## পান্নের গান

ও চিতা দিয়োনা ধুয়ে,—

এস ও কলস ধুয়ে,—

ওইখানে আমাদের

সাধের বাসর-শায়া

পাতা আছে চির মধুময় !

ধীরে ধীরে মহানন্দে

বিদায়ের ছন্দাবন্ধে

ওই শেষ মহাযানে

দুটি দেহ দুটি প্রাণ

এক ভস্মে হ'য়ে যাবে লয় !

## সিন্ধুতীরে ।

পাগলা রে,—আর বসে কেন ?

আসবে না ত কেউ,—

মেঘের কোলে মিলিয়ে গেছে

• সন্ধ্যা-আলোর ঢেউ ।

আকাশ ভরা তারাগুল

পড়ে গলে গলে

আপনারে বিছিয়ে দে'ছে

নীল সাগরের জলে !

কেউ ফিরে আর আসবেনা রে,—

বুখাই আছিস বসে,—

কেউ তোরে আর ডাকবেনা রে

• তেমন ভালবেসে !

সামনে যে তোর ছুল্ছে সাগর—

চাস্নি পেছন ফিরে,

কারুর ডাকে দোলাস্নি মন

পাগল সাগর তীরে ।

## পার্বত্য গান

মাগর বুকে ভাস্ছে তরি,—

চালিয়ে দেরে তায়,—

নিবিড় রাতের পাগল বাতাস

ঝুখাই বয়ে যায় !

চল্বে পাগল চালিয়ে চরণ

বেলা ভূমে নেমে,

মাঝপথেতে ধম্কে গিয়ে

যাস্নি যেন থেমে !

পিছন থেকে আসবে সবাই,

জাপটে ধ'রে তোরে

বাঁধতে কতই করবে যতন

নয়ন-জলের ডোরে !

পরিষে দেবে গলায় রে তোর

কাল-ফণীর মালা,

সুধাভরা বাক্য মাঝে

ঢালবে বিষের জ্বালা !

খুব ভঁসিয়ার,—ওরে পাগলা  
যাস্নি ফিরে পিছে,—  
এগিয়ে চল রে, ডাকছে সাগর,—  
দাঁড়িয়ে থাকা মিছে !

ওই শোন্রে কালের ভেরী  
পারাবারের বুক্কে,—  
সামলে চরণ সামনে চলরে  
আজকে কপাল ঠুকে ।  
কোনও দিকে চাস্নি ফিরে,  
বাড়িয়ে দিয়ে হাত—  
নাঁপিয়ে পড়বি তরির বুক্কে—  
মত্ত উল্লাপাত !  
উঠবে যখন ঝড়ো বাতাস,  
ছেড়ে দিবি হাল,  
স্থির হয়ে তুই থাকিস্ বসে  
মেলিয়ে দিয়ে পাল !

## পারের গান

হাস্বে যখন হাসি পাবে  
কাঁদবি কান্না পেলে,  
ভরি যখন যাবে উড়ে  
চেউগুল সব ঠেলে !  
চারি দিকের বজ্রনাদে  
মিলিয়ে দিয়ে সুর  
মেঘমল্লার গাইবি,—যখন  
ভরি ভেঙে চুর ।  
ডুব্বি যখন——মেল্বে নয়ন—  
অকুল পাগার পারে  
দেখবি তখন——তরুণ উষার  
তরল আলোক-ধারে !

## হাহাকার ।

কোন্ আলো —ওগো কোন্ আলো

হেসে হেসে পড়েছিল এসে

অন্ধকার কুটীরে আমার

কোন্ দীর্ঘ যামিনীর শেষে ?

উঠেছিল ললিত রাগিনী

কোন্ দূর তারায় তারায় ?

ফুটেছিল যুথিকার হাসি

কোন্ মুগ্ধ উজ্জ্বল উষায় ?

দেবতার কোন্ আশীর্ব্বাদ

কুটীরেতে পড়েছিল আসি ?

এনেছিল কোন্ আলো কেগো

লয়ে স্নিগ্ধ অলকার হাসি ?

সেদিন যে মরমের মাঝে

মূরছিয়া অজ্ঞাত পুলকে

কোন্ অসীমের স্নিগ্ধ আলো

পড়েছিল কালকে কালকে ?

## পারের গান

কোন্ স্নেহ, কোন্ মমতায়

ভেনেছিল কুটির আমার ?

করণার মন্দাকিনী ধারা

করেছিল অমৃত সঞ্চার !

কোন্ নবজীবনের স্রোত

বহেছিল আনন্দ কল্লোলে ?

কোন্ মধু মলয় বাতান

মেতেছিল অধীর হিল্লোলে ?

সে মধুর মলয় বাতানে

তুমি প্রিয়া এনেছিলে ভেসে

দেগীরূপে কুটিরে আমার

বিশ্বখানা এত ভালবেনে !

এনেছিলে যে পথ ধারণা,

স্নেহ মায়া পড়েছিল লুটে,

পথ পাশে শ্যাম তৃণ দলে

কত ফুল উঠেছিল ফুটে !



চেয়েছিলে যে দিকে গো প্রিয়া  
উঠেছিল হাত্য ঢল ঢল,  
এ কুটীর পরশে তোমার  
হয়েছিল শুদ্ধ নিরমল ।

মিলনের মধুর সঙ্গীত  
উঠেছিল বিমল আকাশে,  
উঠেছিল বিহগ-কুঞ্জে,  
মধুমাখা কুমুম বিকাশে ।  
রাঙা রাঙা ভাঙা মেঘগুলি  
মেখে গায়ে কুকুম আবির  
ছুটেছিল উষার আকাশে  
মিলনের আনন্দে অধীর !  
তটিনীর কল-কল ধ্বনি,  
নির্ঝরের স্বপ্নভরা গান,  
সমীরের মধুর স্বনন  
সে মিলনে বেঁধে দিল প্রাণ ।

## পারের গান

ওগো প্রিয়া, সে মিলন যাবে  
তুমি আমি গিয়েছিলুম মিশে,  
চারি ঐখি হয়েছিল এক  
চেয়ে চেয়ে চেয়ে অনিমেষে ;  
উঠেছিল প্রাণে প্রাণে ওগো  
মধুমাখা স্বপনের রাণ,—  
কোন দূর আলোক-পাথারে  
ছিল যেন আমাদের বাণ,  
যেন কোন বিধি-অভিশাপে  
ভিন্ন হয়ে ছিনু এককাল,  
কোন দেবতার আশীর্ব্বাদে  
আজি পুনঃ ফিরিল কপাল !

তাই ওগো বিশ্বতির পারে  
আমাদের নব-পরিচয় ।  
মনে হ'ল,—কুবি জীবনের  
এও এক নব অভিনয় !

## পার্বের গান

দৌহে হাত ধরাধরি করি

চলিলাম জীবনের পথে,—

নবাকুণ-রঞ্জিত উচ্ছ্বাস

কে জানে গো এল কোথা হ'তে

তুমি আন্নি এক সূত্রে গাঁথা,

কালশ্রোতে চলি'নু ভাসিয়া,

দীর্ঘ বিরহের পারে পুনঃ

দুটী প্রাণ মিলিল আসিয়া !

দেবতার নিখ্যালোর মত

ছিলে প্রিয়া শুভ্র নিরমল,—

শাস্তি প্রীতি পবিত্রতা এনে

করেছিলে এ প্রাণ উচ্ছ্বল !

তুমি ছিলে প্রাণের ভিতরে

শক্তিরূপা প্রতিমা দেবীর,

আপনার উচ্ছ্বল আলোকে

আন্মোকিত করি' এ মন্দির !

## পারেন্ন গান

শত ঝঞ্ঝা শত বজ্রপাত

তাই মোরে পারেনি টলাতে,

সংসারের শত প্রলোভন

তাই মোরে পারেনি ভুলাতে!

উচ্চশির করি নাই নত,

কারো পানে করিনি দৃকপাত,—

ছুটে গেছি প্রমত্ত নিবার,—

মাননিক উপল-আঘাত!

ভাবনিক,—বুঝিনি তখন

সব তেজ তোমা হ'তে এসে

বলীয়ান্ করে রেখেছিল

এ হৃদয় অদম্য সাহসে!

তখন ত পারিনি বুঝিতে,—

তুমি ছিলে সর্বস্ব আমার,—

করিতাম ধারকরা তেজে

‘আমি নিজ গরিমা প্রচার!

## পায়ের গান

ওই শুন,—ওই শুন প্রিয়া,—

সাগরের নিবিড় গর্জন,—

ওই হের নাচিছে তরঙ্গ

চারিদিকে করি আবর্তন !

ওই হের নীল জলরাশি,

ওই হের নীল নভোতল,

ওই হের দিগন্তের কোলে •

মিশে গেছে আকাশ ভূতল।

ওরি মাঝে, ওই দেখ প্রিয়া

মাছগুলি উড়ে উড়ে যায়

কোন এক অজ্ঞাত আনন্দে •

তরঙ্গের মাথায় মাথায় !

কি আনন্দে, কি উৎসাহে মাতি'

ছুটিল সে ক্ষুদ্র তরিখানি,—

কোন এক মহা-আকর্ষণ

যেন তা'রে লইল গো টানি' !

## পারের গান

তরঙ্গের উপরে তরঙ্গ

তারি-অঙ্গে আছাড়ি গড়ায়,  
ফেণরাশি তুষার ধবল

নীল জলে ভেঙে ভেসে যায় !  
তারি মাঝে তুমি আমি প্রিয়া।

ছুটিয়াছি কি অজ্ঞাত দেশে !  
কি সাহস, কি অমিত বল

দিতেছ গো মৃদু মৃদু হেসে

একি লীলা,—একি লীলা প্রিয়া ! --

একি মত্ত মধুর বাতাস,—  
জরঙ্গের মৃদু আন্দোলন,—

একি মত্ত উজ্জল আকাশ !  
ধরণীর আবিলতা নাই,—

হাহাকার হেথা নাহি উঠে,—  
নিশি দিন ফেণ-পুঞ্জ হ'তে

কি উজ্জল আলো উঠে ফুটে !

## পারের গান

লীলাময়ি ! ভাবময়ি মোর !

একি স্বর্গে আনিলে আমায় !

কি বিরাট উদার সঙ্গীত

নিশিদিন হেথা ভেসে যায় !

এস প্রিয়া.—ও বিরাট সুরে

মিশাইয়া দিই সে সঙ্গীত,

প্রাণে যাহা স্বতঃ বেজে ওঠে,—

সারা বিশ্ব করিয়া স্তম্ভিত !

উঠুক সে আপন আনন্দে

ছড়াক সে সুরের লহরী,

মিশে গিয়ে আকাশে বাতাসে

সুরে সুরে বিশ্ব খানা দ্বরি'!

মুক্তপ্রাণ তুমি আমি প্রিয়া,

মুক্ত এই নির্মল বাতাস,

মুক্ত এই সাগরের প্রাণ,

মুক্ত ওই সুনীল আকাশ !

## শায়ের গান

রঙ্গে ভঙ্গে রঙ্গিনী তরনী

আন্দোলিত তরঙ্গের পরে,

মন্দ গন্দ মলয় বাতাস

তরণীর পাল দেছে ভরে !

ছন্দো বাক্ষ উঠিছে আকাশে

সাগরের বুকে মহাগান,

পুণ্য ক্ষোভি উঠিয়াছে আজ

এক করি সাগর বিমান !

ওগো প্রিয়া,—ওগো কবি-রাণি, —

তোল আজি বীণায় বাক্ষার,—

ওই দেখ ডাকিছে মোদের

কি ইন্দিতে মুখ পারাবার !

ওকি !—দূর আকাশের কোলে

পাখী কোন আসিছে কি উড়ি'

আপনার কাল পাখা' মেলি'

সাগরের এক কোণ জুড়ি' ?



কিন্মা কোন অচল-শিখর

সাগরের গর্ভ হ'তে ধীরে

উঠিতেছে, স্পর্শিতে গগন

আপনারে ঢাকিয়া তিমিরে ?

কিন্মা কোন জলদেবতার

কাল রথ আকাশ বাহিয়া

সাগরের কাল জলে আজ

তীর বেগে আসিছে নামিয়া !

ভীমবেগে প্রলয়ের ঝড়

সিন্ধু-বন্ধ বিলোড়িত করি'

বিদরিয়া সাগরের বুক

ছুটিয়াছে আধারে আবরি' !

মহাসিন্ধু উঠিল গর্জিয়া,

গিরি শৃঙ্গ ফেলিল উপাড়ি,'

শতশৃঙ্গ তুলিল আকাশে

মহাবেগে হুঙ্কার ছাড়ি' !

## পান্থের গান

এ কি রণ !—আকাশ পাথার  
কিছু নাহি দেখা যায় আর,  
শুধু মত্ত তৈরব গর্জনে—  
শুধু মত্ত নিবিড় আধার !

মহাবেগে ভাঙছে তরঙ্গ,—  
শূন্যে ওড়ে জলকণারশি,—  
ফেনরাশি তুম্বার ধবল  
সিন্ধু-বক্ষ ফেলিয়াছে গ্রাসি !  
প্রভঞ্জন প্রমত্ত গর্জনে  
তরঙ্গের মাথা হ'তে টানি'  
উপাড়িয়া ফেলিছে সবলে  
দূরে মোর ক্ষুদ্র তরি খানি !  
প্রিয়া !, প্রিয়া ! চেয়ে দেখ আজ—  
ঘেরিয়াছে কি বিপদ ঘোর  
মত্ত এই সাগরের মাঝে,  
ডুবে বুঝি তরি খানি মোর !

প্রিয়া ! প্রিয়া ! আজি বুঝি শেষ !—

এস দেবীপ্রতিমা আমার,—

এস প্রিয়া,—ধর, হাত ধর,—

আজি আর নাহিক নিস্তার !

আজি এই অজ্ঞাত পাথারে

• তরি খানি ডুবে ধীরে ধীরে,—

এক সাথে দৌঁছে ডুবে যাই

এক মহা অজ্ঞাত ভিমিরে !

ভুমি আমি প্রাণে প্রাণে মিশে’

জল-তলে রচিব শয়ন,—

জানিবেনা এ জগতে কেহ,

• ঝরিবেনা কাহারো নয়ন।

কড়্, কড়্, ধ্বনিল আকাশ,— •

শত জিহ্বা করিয়া বিস্তার

আকাশের ফুলিঙ্গ ছুটিয়া

উর্ষি-শিরে করিল প্রহার ।

## পারের গান

আবার,—আবার ছুটিয়াছে  
মহা প্রলয়ের প্রভঞ্জন,  
আবার,—আবার উঠিয়াছে  
তরঙ্গের উন্মত্ত গর্জন !  
ডুবে তরি নিবিড় আধারে,—  
প্রিয়া! রহ বুকেতে আমার,—  
আজি দৌহে একই শয়নে  
এক সাথে যাই পর পার !

শ্রান্ত ধরণীর প্রান্তদেশে  
সিন্ধুতীরে, সৈকত বেলায়,  
ভগ্নপ্রাণে পড়ে আছি আজি  
নিরমম উপল শয্যায় !  
শ্রান্ত-গ্লান রবিকররাশি,  
আকাশের প্রান্ত হ'তে এসে'  
লুটাইছে ধরণীর বুকে  
মুক বাল-বিধবার বেশে !

## পান্নের গান

কত শোক, কতই বেদনা

আজি ওগো বাজিছে মরমে !

রুদ্ধ অশ্রু উথলিয়া আসি'

আখিকোণে গেছে আজি জমে !

ওইদূর গগন সীমান্তে,

যেথা মিশে আকাশ পাথর,

বিশাল এ' তরঙ্গের পারে

যেথা মিশে আলোক আধার,

সেই সীমা দিয়ে ছুটিয়াছে—

ওকি ! ওগো ও যে মোর তরি !

প্রিয়া ! প্রিয়া ! ওকি ছুটা তব

তরিখানি রাখিয়াছে ভরি' !

হেথা যদি পড়িলে গো ঝরি,—

কোথা পুনঃ উঠিবে কুটিয়া ?

জল দেবি ! জলতল হ'তে

উঠে কোথা চলেছ ছুটিয়া ?

## ব্যবধান ।

কেঁদে কেঁদে কুটীর দুয়ারে  
হাহাকার করি ঘুরি ফিরি'  
বজ্রসম বাণী আজি এসে  
মর্মান্তল দিতেছে যে চিরি' !  
কে গো আজি কোন্ অভিশাপ  
রুদ্ধ করি কুটীর দুয়ার  
আজি আমা দৌহাকার মাঝে  
রচে দিল দুর্ভেদ্য প্রাকার ।

রুদ্ধমুষ্টি,—ভস্ম ওড়ে গায়,  
পরিধানে গৈরিক অম্বর,  
কণ্ঠে বাজে প্রলয় বিষাদ,—  
সংহারের মূর্তি ভয়ঙ্কর !

বিশ্বখানা তীব্রবেগে ছোটে

ওই মহা ধ্বংস আলিঙ্গিতে,  
বিচূর্ণিত পরশে উপহার  
সুধাস্বপ্ন বিচিত্র ভঙ্গীতে !

কে তুমি গো ধ্বংসের দেবতা

দাঁড়ায়েছ কুটীর দুয়ারে ?  
খোল রুদ্ধ কুটীর-অর্গল,  
ছাড় পথ যেতে দাও পারে !

হে নির্মম ! চিনেছি তোমায়,—

ব্যথিতের তীব্র আর্তনাদ  
তব বক্ষে আছাড়ি পড়িয়া  
পায় শুধু ক্রুর প্রতিঘাত !

দূরে,—দূরে,—ও প্রাকার পারে

কণামাত্র অশ্রু নিয়ে যাও,  
মর্শ্ব-ছেঁড়া একটি নিশ্বাস  
তা'র কাছে উপহার দাও ।

## পান্নের গান

একা,—একা,—এত বড় বিশ্বে,—  
আপনার কেহ নাই মোর,—  
হরিয়াছে সর্বস্ব আমার  
অলক্ষিতে গৃহে পশি' চোর ।

যেই দিন,—প্রথম প্রভাতে  
আনিল সে কল্যাণ-রূপিণী,—  
দেবদত্ত আশীর্ব্বাদ সম  
হইল সে জীবন-সঙ্গিনী,—  
চিত্ত হ'ল শুদ্ধ সে পরশে,  
উচ্ছৃঙ্খল শৃঙ্খলিত পাশে,  
তারে দিনু সর্বস্ব সঁপিয়া  
সেই এক পুণ্য মধুমাসে !

সেই দিন সে শুভ লগনে  
পাইলাম নবীন জীবন,—  
আপনারে দিনু বিকাইয়া,—  
পর হ'ল নিতান্ত আপন !



## পান্নের গান

নয়নের বিনিময় সনে

প্রাণে প্রাণে হ'ল বিনিময়,—

বিশ্বে বিশ্বে হেরিনু সেদিন

কিবা দিব্য আলোক উদয় !

আমারে সে গাড়িয়া তুলিল

আপনার সবটুকু দিয়া,

তারি মাঝে ফুটা'ল আমারে

আপনার জ্যোতিতে ভরিয়া !

আপনারে হেরিনু মহান,—

আপনার ভুলিনু ক্ষুদ্রতা,—

মৃত্যু মাঝে পাইনু জীবন;

শূন্য মাঝে পাইনু পূর্ণতা !

নহি আমি বন্ধ এ নংসারে,—

নহি বন্ধ আকাশে বাতাসে,—

নহি বন্ধ ধূলি রাশি মাঝে,

নহি বন্ধ বর্ষ দিন মাসে !

## পান্নের গান

সেই দিন মুক্তির নিশ্বাসে  
উথলিয়া উঠেছিল প্রাণ,  
নাহি জন্ম, মৃত্যু আমাদের,—  
অমৃতের আমরা সন্তান !

সেই দিন হে কল্যাণী, তব  
হেরিলাম জননীর রূপ,  
গলে গেল গভীর জড়তা—  
গলে গেল পাষাণের স্তূপ !  
তোমা' মাঝে গিয়েছিলাম মিশে,—  
আমি নাই,—ওগো আমি নাই !  
তব স্নেহ মন্দাকিনীধারা,  
যেতেছিল বহি' সব ঠাই !

হেন কালে কে তুমি নিষ্ঠুর !  
ছিঁড়ে দিলে তরণীর পাল,—  
তরঙ্গের উদ্দাম নর্তনে  
কর্ণধার ছেড়ে দিল হাল ।

## পারের গান

হাহাকারে ভরিল মেদিনী,—

পড়ে গেল ক্রুর যবনিকা,—

দুজনের মাঝখানে কেগো

রচে দিলে দুর্লভ্য পরিখা !

ব্যর্থ হবে,—ব্যর্থ হবে দ্বারি !

তব ওই ঐলয়-বিষাণ !

তোল প্রিয়া, পারে হ'তে তোল

চিরমুক্ত মৃত্যুজয়ী গান !

করে মোর বাজুক মুরলী,—

ধ্বংস, মৃত্যু যাক রসাতল,—

প্রাণে প্রাণে ব'বে দুজনের

মিলনের ধারা অবিরল !

## পারের গান

অশ্রু ।

তুমি,

পেরেছ কি প্রিয়া জান্তে ?

প্রাণের' রুদ্ধ থরে থরে মেঘ

পঠায়েছি তোমা আন্তে !

বলে দিছি,—

যেন ঢালে না ধারা,

যেন হুতাশে আকাশে বাতাসে ঢালেনা

গলিত আঁখির ঝারা !

বহুদিন গত পাইনি বারতা,—

আছগো কেমন কোথা—

অরিতে যেন গো ঘুরিয়া ফিরিয়া

জেনে আসে এই কথা !

তুমি

পেরেছ কি প্রিয়া জান্তে ?

আখি কি তোমার কোন বাধা আজ

পারিল না আর মান্তে ?

তোমারি অশ্রু বয়ে নিয়ে এসে

ওই

ঢেলে যায় মেঘ থেকে গেকে আজ

মাথার উপরে ভেসে !

যদিও গো প্রিয়া, আমা দৌহা মাঝে

অসীমের ব্যবধান,

তবু আজ তব আসার পরশে

জুড়ায় • হৃদয় • খান !

## প্রতীক্ষায় ।

সিন্ধুপারে আকুল সুরে  
    কঁদছে বাঁশী কার ?  
কার নয়নের অশ্রুধারা  
    বইছে পারাধার ?  
হৃদয় জোড়া ব্যথা ভরা  
    'কাহার দীর্ঘশ্বাস  
আছে পড়ে বেলার বুকে  
    করছে হাহতাশ ?  
দূর গগনের কোন্ সীমান্তে  
    পাথরের কোন্ শেষে  
তোমার মধুর কোমল কণ্ঠ  
    আসছে আজি ভেনে ?  
মায়াবর বাঁধন পাইনে খুঁজে,—  
    সকল দেখি কাঁকা,—  
জীবন আমার মৃত্যুছায়ায়  
    উদাস ছবি আঁকা !

## পারের গান

কোমল মধুর আবেগ ভরা  
নাইক প্রাণের টান,  
ওঠে নাক বীণ সেতারে  
হৃদয়-ভরা গান !  
শুধুই শূন্য—বিশাল দৈন্য—  
পণ্য আমি আজ,—  
যাচ্ছি বিকিয়ে হাটবাজারে  
কড়াক্রান্তির মাত্র !

দুই জনে দুই পারে ব'সে,—  
মধ্যে পারাবার—  
আকুল প্রাণে মিশিয়ে দেয় আজ—  
দৌহার অশ্রুধার !  
দুটি প্রাণের তীব্র মিলন—  
আকাজকাটী ল'য়ে  
ছুটেছে আজ রবি শশী°  
সারা আকাশ ব'য়ে ।





## পার্বের গান

মৃত্যু-পথের শ্রান্ত পথিক !

কেন মরিস্ ঘুরে ?

কেন তুলিস্ ও হাহাকার

আকাশ পাতাল জুড়ে ?

ধীরে ধীরে,—কাণ পেতে শোন—

আসছে কালের ডাক,

সব মগতা রাখ্‌রে চলে,

তৈরী হয়ে থাক ।

রাখ্‌রে খুলে বাঁধন ডুরি,—

এলিয়ে দিয়ে প্রাণ,—

করবি যদি উষার আলোয়

মুক্তি জুলে স্নান !

## আশা ।

সে দিন যখন দিনের শেষে  
অস্তাচলের শিরে  
কাল মেঘের আড়াল থেকে  
আঁধার এল ঘিরে,—  
মিলিয়ে গেল নীল আকাশে  
পাখীর মধুর গান,  
হতাশ ভরা বাতাস এসে  
কাঁপিয়ে দিলে প্রাণ,—  
কোন্ আকাশের, কোন্ বাতাসের,  
কোন্ সে মেঘের ছায়া  
বিষাদ ভরা সুরনি তুলে ।  
ছড়িয়ে দিলে মায়া !

সেই যে আঁধার—সে কি গভীর  
নিবিড় আঁধার ঘেরা,—  
সেই যে নিশি,—সে কি গভীর  
তপ্ত স্বাসে চেরা !

তারই মাঝে শূন্য পথের  
উন্মাপিণ্ড সম  
ছুটে গিয়ে আকুল প্রাণে  
পথ করেছি ভ্রম !  
আছাড় খেয়ে গেছি পড়ে  
ধুলায় লুটে পুটে,  
তীব্র ব্যথায় জীর্ণ দেহ  
গেছে কেটে কুটে !

কোথায় আলো—কোথায় আলো—  
ওগো কোথায় আলো,-  
কোথায় ওগো কোথায়, প্রিয়া,—  
উজল দীপটী আলো !  
কেউত যে আজ দেয় না সাড়া,  
কেউ ধরে না হাত,  
আসেনা যে কারোর আঁখির,  
করুণ কিরণ-পাত !

## পার্বের গান

কোথ'য় আলো,—ওগো প্রিয়া  
লয়ে চল মোরে  
গভীর নিশার আঁধার হ'তে  
উজল মধুর ভোরে !

ভোরের আলো !—ওগো প্রিয়া,—  
ভোরের আলোর মত  
তেমনি করে আবার এসে  
উজল কর পথ !  
আঁধার মেঘের ঢেউ যদিও  
বক্ষে আমার চেপে,  
হিম-গিরির তুষার রাশি  
মাথায় আছে বেপে  
তবু প্রিয়া,—ভোরের আলোয়  
উঠ বে হেসে সব,—  
নৃত্য মাঝে উঠবে মহা—  
জাগরণের রব !

আজক্ষা ।

দিনের আলো মিলিয়ে গেল  
কাল মেঘের গায়,—  
সাঁজের বাতি জ্বাল ওগো  
নীরব আঙিনায় !  
দেববালার হাতের আলো  
কুট্ছে ধীরে ধীরে  
আঁধার আকাশে,—ওগো বঁধু  
জীর্ণ এ কুটীরে  
উঠবে না কি তোমার হাতের  
আলো জ্বলে আর ?  
জ্বাল প্রিয়া, জ্বাল আলো,  
এল যে আঁধার !

## পারের গান

চারিদিকের শাঁকের রবে

উঠল কেঁপে সব—

শুন্মূরে যেন উঠল দিনের

মত্ত কলরব !

অঁধার নীরব কুটীরে মোর

বাজাও প্রিয়া শাঁক,

উচ্ছ্বাস-ভরা নিশ্বাসে প্রিয়া

বোজাও মনের কাঁক !

তোমার আলোয় ঝিমিয়ে, বসে

শুন্ব শুধু গান

বিশ্ব-গীতের সঙ্গে আমার

মিশিয়ে দিয়ে প্রাণ !

## যাত্রী ।

আমার জীবন আমার মরণ  
সকল গেছে যুচে,  
সকল আশা, সব নিরাশা  
সকল গেছে মুছে ।  
শূন্য উদাস আকুল প্রাণে  
আকাশ পানে চাহি'  
অকুল পারের জীর্ণ তরি  
যেতেছি আজ বাহি' !

হাল ছেড়েছি, তুফান যদি  
ওঠে সাগর জলে,  
কাল মেঘের কাল ছায়া  
পড়ে সাগর তলে,  
বায়ুর যদি ভীম গরজন  
কাঁপিয়ে তোলে জল,  
ধরুব না হাল,—যাক্‌না কেন  
সকল রসাতল ।

## পারের গান

আজকে আমার নাইক শক্কা,—

কারও আমি নই,—

এত বড় বিশ্ব মাঝে

আমি একাই রই !

আমার যা সব, গেছে চলে,—

আমি যাব বলে

অকুল প্রাণে ভাসিয়ে ভেলা

যাচ্ছি সাগর জলে !

কে জানে গো কোন্ উষাতে

কোন্ পাথারের শেষে

এ যাওয়া মোর হবে গো শেষ

কোন্ অজানা দেশে !

হারিয়েছে যা, আর ফিরে তা

পাব কি কে জানে ?

অকুল পারে যাচ্ছি ভেসে

কে জানে কোন্ টানে !



স্মৃতি ।

উড়ে এল সোণার পাখী

সোণার বরণ মেখে

সোণার তুলি বুলিয়ে দিয়ে

• সোণার ছবি এঁকে !

সোণার পাখা মেলিয়ে দিয়ে,—

কণ্ঠে মধুর গান,—

বিশ্বখানি ভাসিয়ে দিলে

তুলে মধুর তান !

স্বপ্নমাখা কোন্ স্বরগের

ছায়াটুকু নিয়ে

এল পাখী প্রাণে প্রাণে

মায়া ঢেলে দিয়ে !

কোন্ জগতের আলো ওগো

পড়ল সেথায় ফুটে ?

কোন্ স্বপনের সুরটী ওগো

পড়ল সেথায় লুটে ?

## পারের গান

তোমার সুরে শিউরে উঠে  
ফুটল ফুলের রাশ,—  
মস্মরিয়ে মস্মতলে  
উঠল কি বাতাস !  
কোন্ যাছুকর পাঠিয়ে তোমায়  
লাগিয়ে দিলে দিশে,—  
আমায় আমি হারিয়ে ফেলে  
যাই তোমাতে মিশে !

সুরে সুরে বিশ্বখানি—  
ছেয়ে গেল আজ,—  
মেঘের কোলের পাখী এসে  
ভুলিয়ে দিলে কাজ !  
শুনলে কাণে গানটী তোমার,  
ওগো অচিন্ পাখি,  
ধেমে যায় মোর প্রাণের লহর  
মুদে আসে আখি !

ওগো পাখি ! মায়াপুরীর  
কোন্ সে স্বপন আনি'  
এমন ক'রে তোমার পানে  
নিচ্ছ সবই টানি !

সুরে সুরে সব একাকার,—  
আমি তোমার মাঝে  
অতীতের কোন্ পুরাণ ধন  
পেলুম নূতন সাজে !  
তোমার সাথে আমার যেন  
কোন্ জীবনের দেখা,  
আমার প্রাণে তোমার যেন  
ছবি খানি আঁকা !  
আমার প্রাণে তোমার করুণ  
সুর উঠেছে বেজে,  
আমার প্রাণের জ্বল আলো  
তোমার আলোর ভেজে !

## পায়ের গান

শীত নিদাঘে হিম বসন্তে  
শরত বরষায়  
মেঘের কোলের ওগো পাখি,  
তোমার আলোর ছায়  
তোমার গানে বিভোর হয়ে  
ছিলুম সকল ভুলে,  
আবেশ মদির অলস আঁখি  
পড়ত আমার ঢুলে !  
আপনারে হারিয়ে ফেলে  
তোমারই মাঝখানে  
মিশেছিঁনু তোমার করুণ  
'তোমার পাগল গানে !'  
ওগো পাখি ! উড়্ছ কেন ?  
এ খেলা কি শেষ ?  
পাখা মেলে যাচ্ছ কেন,—  
সে আবার কোন্ দেশ ?

## পান্নের গান

কাল মেঘের আড়াল থেকে  
সাঁঝের কিরণ এসে  
ভাসিয়ে দিলে হেসে হেসে  
তোমায় ভালবেসে !  
সে আলোকে উড়ল পাখী  
মেঘের পানে চেয়ে,  
মজিয়ে দিয়ে সারা বিশ্ব  
একটা গান সে গেয়ে !

আঁখির জলে ভাসিয়ে ধরা  
পাখী গেল উড়ে,—  
কিন্তু যেন আজও আছে  
বিশ্বখানা জুড়ে !  
করুণ কোমল সুরটী যে তা'র  
ছেয়ে আছে সব,—  
পাষণগলা নিৰ্ঝরিণীর  
আকুল উদাস রব !

## পারের গান

মেঘের কোলের রাঙা পাখী  
মিলিয়ে গেল মেঘে,-  
ক্ষণেক তরে অতিথ এসে  
গেল বুঝি রেগে !

যে বকুলের ঘন ছায়ে  
আকুল প্রাণে এসে  
যে আকাশের আলোক মেখে  
ছিলে তুমি বসে,  
চুমে যেত যেই সমীরণ  
তোমার কল গান,  
শিউরে পড়ত শিউলী ঝরে  
আকুল করে' প্রাণ,—  
সকলই ত তেমনি আছে,  
তুমি শুধু নাই,—  
মর্ষ ছেঁড়া বিদায় সুরে  
ভরা যে সব ঠাই ।

স্বপ্ন ।

সারা জীবনের যতক আসারে  
নয়ন উঠিবে ভ'রে,  
সবটুকু প্রিয়ী রাখিব যতনে  
তোমার আসা'র তরে ।  
বখন আসিবে তুমি প্রিয়া ফিরে;  
মুহূ করাঘাত করিবে কুটীরে,  
সবটুকু মোর নয়ন আনার  
তোমাতেই দিব ডালি,  
ব্যর্থ জীবনের একটি নিশ্বাসে  
হৃদয় কাঁরব খালি ।  
শাস্ত তপোবন,—কুমুম পেলব,  
নব নব কিশলয়,  
দূর সাগরের পারের বাতাসে  
কত কথা যেন কয় !

## পারের গান

তারি মাঝে প্রিয়া উড়ায়ে আঁচল,  
চরণ পরশে ফুটা'য়ে কমল,  
বিহগের কণ্ঠে তুলিয়া কুজন,  
আসিবে মোহন ছন্দে-  
তোমারি পরশে আকাশ বাতাস  
ভরিবে মধুর গন্ধে !

হয়ত তখন শূন্য এ হৃদয়ে  
উঠিবে না কোন গান,  
হয়ত তখন উঠিবে না নেচে  
পুলক-আবেশে প্রাণ !  
হয়ত উদাস শূন্য ব্যর্থতায়  
শত ক্রটি হবে তোমার পূজায়,—  
হয়ত তখন দীর্ঘ এ হৃদয়ে  
পাবনা কোন'ই সাড়া,—  
হয়ত তখন সে শুভ লগনে  
হয়ে যাব সৃষ্টিছাড়া !



শ্রান্ত জীবনের সঙ্গহীন পথে

জীবন-সায়াকু আসি'

হয়ত তখন করিবে অবশ -

সকল আলোক নাশি' !

হয়ত নয়ন হবে দৃষ্টিহীন,

শ্রবণের শক্তি হয়ে যাবে ক্ষৌণ,

শ্মশান-চিতায় সকল বাসনা

হয়ত 'উঠিবে কুটি,'—

মরমের কথা হবেনাক বলা

অভাগা লইবে ছুটি।

তুই, তাই প্রিয়া অশ্রুবিন্দুগুলি

সীজাইয়া পাঁতি পাঁতি

এইবেলা রাখি শক্তি থাকিতে •

মায়ার সূতায় গাঁথি ।

যখন তোমার পরশ ভাসিয়া

দেহেতে আমার লাগিবে আসিয়া,

## পান্নের গান

কিছু নাহি পারি,—সাধের মালাটি  
দোলা'য়ে তোমার গলে  
শেষ ছুটি নেবে শ্রান্ত এ পথিক,—  
মিশে যাবে ধূলি দলে !





শূন্য প্রাণে তুমি প্রিয়া

বাজিয়ে দেছ বাঁশী,

ফুটিয়েছ ফুল শুকন ডালে,

দুখের মাঝে হাসি !

হতাশ প্রাণে জাগিয়ে দেছ

মোহন আশার বাণী,

মন্দ মলয় বইয়ে দেছ

ওগো আমার রাণী !

তা'র পরেতে এক নিশীথে

ছিঁড়লে সকল টান,—

রাত পোহাল, একি হ'ল,—

একি আকুল গান !

সোণার পাখী শিকলী কেটে

যায়রে আজি উড়ে

শূন্য প্রাণে আলিয়ে আগুন

বিশ্বখানা ছু:ড় ।

## পার্বের গান

ধরে রাখ,—ওগো প্রিয়া,—

যেওনাক চলে,—

কোন দেশেতে যাচ্ছ, নেহাত্

যাও গো আমার ব'লে !

মন্দিরেতে পূজার ফুল

ধরে ধরে ঢালা,

নৈবিদ্যের খালা ভরা,

পঞ্চ-প্রদীপ জ্বালা,—

উঠল না যে প্রাণের মাঝে

তোমার বোধন গান,

ব্যর্থ হল পূজারীর যে

আকুল আহ্বান !

তুমি কিগো নাই সেখানে,—

রুখা হবে সব,—

প্রিয়া আমার, দেবী আমার,

কেন গো নীরব !

সেই যে তোমায় বিদায় দিলুম  
কোন্ আকুল এক নাজে,—  
সেই থেকে মোর প্রাণের মাঝে  
করণ সে সুর বাজে !

তোমার সকল ফুরিয়ে গেছে,—  
তবুও মনে হয়,—  
তুমি যেন আমার মাঝে  
হয়ে আছ লয় !

প্রিয়া ! তোমায় হারিয়ে আজি  
পেলুম পরিচয়,—  
তুমি ছিলে কতই বড়  
কতই মধুময় !

আজ্কে প্রিয়া মনে পড়ে,—  
তুমি এখন নাই,—  
কেমন করে ছিলে তুমি  
ভরি' সকল ঠাই !

## পান্নের গান

ক্ষুদ্র রুহৎ সবার মাঝে  
তোমার পরশ লাগি'  
ললিত সুরে উঠত বেজে  
সোনার স্বপন জাগি' !  
একটী সূতায় গাঁথা সকল  
প্রাণে প্রাণে মিশে,—  
তুমি ছিলে, তাইতে তারা  
যায়নি ছিঁড়ে পিষে !

আজ্কে প্রিয়া, তার ছিঁড়েছে,  
বাজে না'ক বীণ,—  
ছিন্ন ভিন্ন মায়া-শূন্য  
দকল নিশিদিন !  
পুণ্য তোমার আঁখির আলো  
কোথাও নাহি উঠে  
মধুর তালে কোথাও তোমার  
হাসি নাহি ফুটে !



শান্ত ধরার শেষ শয়নে

সব যেন আজ শুয়ে,—

অশ্রুধারায় দিচ্ছে যেন

শেষ চিতাটী ধুয়ে !

তাইতে প্রিয়া, আজকে আবার

আনন্সুম তোমায় ধরে,—

কিন্তু আজি একি গো সুর

উঠল চিতার পরে !

তুমি এলে—কিন্তু প্রিয়া,

সে মমতা কই,

নিয়ে যাহা এ সংসারে

ছিলে সর্বজয়ী !

কোথায়,—কোথায়,—কোথায় প্রিয়া

করণ তোমার প্রাণ ?

কোথায়,—কোথায়—কোথায় তোমার

আকুল করা টান ?

## পারের গান

বিশ্বপোড়া উদাস করা

ছাইগুল আজ উড়

ঘোর আধারে করছে খেলা

আকাশ পাতাল জুড়ে !

কই গো প্রিয়া,— গাঁথলেনা যে

ছেঁড়া ফুলের মালা ?

মেঝের পরে ছড়িয়ে যে আজ

ফুলগুল সব ঢালা ?

ভাঙ্গা হাটের মর্ম ছেঁড়া

এই যে আকুল গান,—

তুমি যদি এলে,—কেন

কঁদিয়ে তোলে প্রাণ !

ওর মাঝে যে নাইক তুমি,—

শুধুই ছবি আঁকা, —

আলোক ছায়ায় মিশিয়ে দিয়ে

লেখা আঁকা বাঁকা !

শুধুই শিল্পী-জাগরণে

কেটে গেছে রাত,—

চিন্তানিবিড়-শিল্পীকরে

ব্যর্থ রেখা-পাত !

ওর মাঝে ত পাইনা প্রিয়া

তোমার প্রাণের সাদা,—

তোমার সবই আছে ওতে,—

শুধু তুমিই ছাড়া !

পারের গান

## জাগরণ ।

দলিত মথিত বাথিত কুমুম,—

তবুও সুরভি যায়নি মুছে,—

যদিও জলদ-আবৃত আকাশ,

তবুও আলোক যায়নি ঘুচে

অলস করুণ পাণ্ডিয়ার গান

যদিও বিষাদে ভ'রে দেছে প্রাণ,

তবুও কাহার করুণ আহ্বান

আজিও আমারে খুঁজে !

সকল কাজের মাঝারে হৃদয়

কোন-দেবতারে পূজে !

শেষ ত হয়নি—নিমেষ স্বপন

শুধু আজি গেছে ভেঙে,—

জাগরণ আজ মধুর উষার

আলোকে দিচ্ছে রেঙে !

হারাণ জিনিষ পেয়ে গেছি কিরে  
আজি উষালোকে সাগরের তীরে,—  
শীকর-সিঞ্চিত মুক-সমীরে  
রয়েছ নিখিল ঢাকি,—  
সব শূন্যতায় করিয়াছ পূর্ণ  
কিছুই নাইক বাকী !

## মৃত্যু-মিলন

মৃত্যু তোমা' করিবারে চুরি

একদিন চুপে চুপে আঁধার নিশায়

আপনারে আবারি' আঁধারে

বসেছিল চোরসম মোর আঙিনায় ।

জানি নাই, বুঝি নাই কিছু,—

তোমা'রেই' ভালবেসে ছিলাম গো তুলি',—

আমাদের ক্ষুদ্র দুখ সুখ

দৌঁছে ভাগাভাগি করি' লইতাম তুলি',

ক্ষুদ্র সাধ, ক্ষুদ্র আশা ল'য়ে

রচিতাম দুইজনে মোহমাখা গান,—

তোমা' মাঝে ছিছু হারাইয়া,

তোমাতেই ওগো প্রিয়া ভরেছিল প্রাণ ।

একদিন,—কি কাল নিশায়

কক্ষণে গ্রহের ফেরে আঁখি এল ঢুলে,—

তুমি নাই,—তুমি নাই প্রিয়া,—

শূন্য এ হৃদয় মোর,—দেখি আঁখি খুলে !

স্বভূতা তোমা' করিল গো চুরি

সেই স্তম্ভ অবসরে গভীর নিশায়,—

ছিঁড়ে ফেলে ছৎপিণ্ড মোর

করিল শোণিত পান উত্তপ্ত তৃষায় !

ভেঙে দেছে সাজান বাগান,

পোড়া'য়ে দিয়েছে মোর সুন্দর কুটীর,

উপাড়িয়া দেবীর প্রতিমা

নিয়ে গেছে,—রেখে গেছে আঁধার মন্দির !

কিন্তু প্রিয়া, আমা দোঁহাকার

দুটি দেহ দুটি প্রাণ দেছে এক করি,'

দুজনের মাঝে ব্যবধান

বারেক তুলিকা স্পর্শে সব নেছে হরি' !

ধমনীতে, শিরায় শিরায় .

তোমারি উচ্ছ্বাস বয়, তুমি আছ ভ'রে,—

তুমি আজি অস্তরের মাঝে

আমার মরম তল—আছ আলো ক'রে ।

## অনুভূতি ।

কোন্ তপ্ত বিরহীর আঁখি  
কাটায়েছে সারানিশি জাগি,—  
তাই তা'র নয়ন আসার  
দুর্কাদলে রহিয়াছে লাগি' !  
কোন্ তপ্ত বিরহীর শ্বাস  
সারানিশি ঘুরেছে কাঁদিয়া,—  
তাই ওই সেকালিকা রাশি  
পড়িয়াছে নিভূতে ঝরিয়া !  
এসেছিল,—কে গো এসেছিল  
ব'য়ে প্রাণে কোন্ ব্যথারশি?  
আজিকার উষার বাতাসে  
কার স্পর্শ রহিয়াছে ভাসি' !



কার কণ্ঠ কোমল কাতর

করণ'র প্রস্রবণ "হ'তে

ঢেলে দিয়ে মরমের ব্যথা

কেঁদে কেঁদে গে'ছিল এ পথে ?

তাই আজি প্যুপিয়া এখনো

ছিন্ন প্রাণে মর্ষ-বেদনায়

ভুলিতেছে ক্রন্দনের সুর

মোহমুগ্ধ শ্রান্ত এ উষায় !

সারানিশি তারাগুলি তাই

গেয়ে গেয়ে বিরহের গান

ক্লান্ত ব্যর্থ জীবনের ভারে

যাতনায় এত ত্রিয়মাণ !

কোন দূর আকাশের পারে,

কোন দূর আলোক পাথারে,

কেগো করে ধরিয়ে মুরলী,

ভানিতেছ গলিত আসারে !

## পান্নের গান

অশ্রুমাখা বেদনা জড়িত

ব্যথা রাশি শুধু জাগে প্রাণে,-  
হাহাকার হৃদয়ের মাঝে

বিদায়ের সুরটুকু আনে !  
ভেঙে যায়, ছিঁড়ে যায় প্রাণ,—  
গলে যায় মথিত হৃদয়,—  
কোথা হ'তে কৈগো সুর তোলে,—  
ওগো তার দাও পরিচয় !

কেন ওগো, কেন এ শ্মশান,

কেন ওগো, কেন এ যাতনা,  
কেন চিতা জ্বলে উঠে আজ,—  
এ বারতা কার আছে জানা !

এস, এস মমতার রাণি,

মুখে লয়ে করুণার হাসি,  
নিভাইয়া দাও আজি মোর  
হৃদয়ের চিতানল রাশি !

জ্যোতির্শয়ি ! জ্যোতিতে তোমার  
বিশ্ব আজি উঠুক উজলি,  
তব স্নিগ্ধ আকুল পরশে  
প্রাণে মম ছুটুক বিজলী !

বহুদিন হইয়াছে গত,—  
এসেছিলে কোন্ স্বর্গ হ'তে,  
অলকার কি বারতা ল'য়ে  
দাঁড়াইলে জীবনের পথে !  
মৃত্যু মাঝে সরসি' জীবন,  
দৃষ্ণকার উজলি' আলোকে  
রোমাঞ্চিত করি' এ কুটার  
আপনার অজ্ঞাত পুলকে !  
বিশ্বে বিশ্বে দিয়েছিলে ঢেলে  
মমতার তরল সঙ্গীত,  
স্নিগ্ধোজ্জ্বল উষার আলোকে  
নারাবিশ্ব করিয়া রঞ্জিত !

## পারের গান

যুহু তব চরণপরশে

শতদল উঠিত ফুটিয়া

যে কুটীর আঙিনায় মোর,—

স্নিগ্ধ আভা পড়িত লুটিয়া,—

অন্ধকার সে কুটীর আজ—

শাস্ত হানি নাহি ওঠে আর,—

মর্মান্তলে শুধু বাথা জাগে

বিনর্জুন হলে প্রতিমার !

জগতের মাঝে তুমি প্রিয়া

দিয়েছিলে বাঁধিয়া যে সুর,

ছিন্ন ভিন্ন হয়ে গেছে সব,—

সব আজি বিরহ-বিধুর !

মরণে কি জীবনের শেষ ?

আজন্মের প্রেম ও মমতা

সবি কিগো আকাশ কুমুম,

সবি কিগো স্বপন-বারতা ?

জীবনের পরপারে যদি

নাহি থাকে অনন্ত মিলন,

চিত্তভঙ্গ্যে সব যদি শেষ,—

কেন তবে,—কেন এ জীবন ?

প্রাণে প্রাণে সূক্ষ্ম স্পন্দনের

শ্মশানে কি হ'বে সব শেষ ?

সঙ্ক্যা যদি আসে হেথা,—ধীরে

হ'বে নাকি উষার উন্মেষ ?



## পানের গান

পগনের তারা মাঝে

তোমার আঁখির আলো

মরম-ব্যথায়

যেন গো তোমারি মত

আকুল মমতা ল'য়ে

• মোর পানে চায় !

হারায়েছি প্রিয়া তোমা'

ক্ষুদ্র এ কুটীরে মম,— • •

তুমি সেথা নাই,—

কিন্তু একি হেরি প্রিয়া,—

উখলি' পড়িছ যোগে

• আজি সব ঠাই ! •

## বিশ্বরূপ ।

আমার সকল দ্বিধা সকল দৈন্য  
করে দাও গো দূর,  
জাগিয়ে দাওগো উদাস প্রাণে  
তোমার বিরাট সুর !  
বিশ্বমাঝে তোমারি রাগ  
উঠুক আজি বেজে,  
উজ্জ্বল হ'ক আঁধার কুটার  
তোমার আলোর তেজে !  
পুণ্য আগুন ছড়াও আজি  
পাপে কর ছাই,  
বিশ্ববুকে তোমারি প্রেম  
যেন ওগো পাই !



সবাই বলে তুমি প্রিয়া

চলে গেছ দূরে,—

পাব না আর তোমার দেখা

বিশ্বখানা ঘুরে !

ভেঙে যা'বে বুকখানা মোর,—

এই ভয়ে সব সারা,—

তাই এরা চায় বইয়ে দিতে

একটা নূতন ধরা,

তোমার মধুর উজল স্মৃতি

মুছে ফেলতে চায়,

আমার দুঃখে চক্ষে এদের

বন্ধ্যা ভেসে যায় ।

জানেনাক এরা প্রিয়া,

যাওনি তুমি চলে,—

তেমনি তুমি জেগে আছ

আমার মরম তলে !

## পানের গান

উষার আকাশ, মলয় বাতাস  
তোমায় নিয়ে হাসে,  
পাখীর মধুর কলগানে  
তোমারি সুর ভাসে !  
চাঁদের হাসি, ফুলের রাশি,  
নীল আকাশের তারা,-  
তুমি আছ,—তাইত ওগো  
মধুর এমন ধারা ।

এরা বলে,—নাইক তুমি—  
তুমি গেছ করে,—  
মূৰ্খ এরা,—জানে নাক  
তুমি আমার ঘরে !  
তোমার সোহাগ পরশ আজো  
কুটীর আমার ঢাকি',  
দাঁড়িয়ে আমার কুটীর খানি  
তোমার হাসি মাখি' !

## পান্নের গান

সরল তোমার আঁখির আলোর  
স্নিগ্ধ মধুর খেলা  
কুটীর মাঝে নিত্য দেখি  
সকাল সন্ধ্যা বেলা !

সকাল বেলা যুমিয়ে উঠি .  
শুনে তোমার গান,  
তুমি আছ, তাই দিবসে  
কাজে মাতে প্রাণ !  
যখন সাঁজ্জে এলিয়ে পড়ে  
কর্ম্মক্লান্ত দেহ  
সকল ক্লান্তি দূর করে দেয়  
তোমার অগাধ স্নেহ !  
গভীর রাতে দুঃস্বপনে  
যখন উঠি কেঁপে,  
তোমার স্নেহের আবরণে  
আমায় ধর চেপে !

## পান্নের গান

সকল চিন্তা, সকল কৰ্ম্ম

তোমায় নিয়ে আছে,—

নিমেষ তুমি যাওনি দূরে,—

আছ তুমি কাছে !

ছুটে বেড়াই বিশ্ব মাঝে

প্রাণের আবেগ নিয়ে,

পূজা করি বিশ্বখাণ্ডা

তোমার পূজা দিয়ে !

তুমি আছ ওগো প্রিয়া

হৃদয়খানা জুড়ে,—

তাই এখনও হয়নিক ছাই

বিশ্বখানা পুড়ে !

তোমার ছেলে, তোমার মেয়ে

আমায় যখন ঘিরে

আনন্দে সব নৃত্য করে,—

চায়না পেছন ফিরে,-

পান্ডুর গান

হৃদয় আমার উঠে ফুলে,—

কাণায় কাণায় জল, —

তুমি যে গো তাদের মাঝে

বইছ অবিরল !

তারা যে গো তোমার আমার

স্নিগ্ধ মধুর কায়া,—

তারাই যে গো দৌহার পুণ্ড

মিলনেরই ছায়া !

স্বর্গ হতে মন্দাকিনীর

স্ফূরের ধারা ল'য়ে

পুণ্যস্রোতে ভানিয়ে ধরা

যাচ্ছে তারা ব'য়ে !

আমি, প্রিয়া, তোমার ছবি

হেরি তা'দের মাঝে,

তা'দের প্রাণের ভিতর দিয়ে

তোমার সুরটী বাজে !

## পান্বেয় গান

তা'দের মাঝে তোমায় হেরি  
মুখ অঁখি মেলি',  
আপনারে তা'দের মাঝে  
সদাই হারিয়ে কেলি !

তোমার স্মৃতি, তোমার ধারা  
যুগ যুগান্তর ধ'রে  
ফুটবে তা'দের ভিতর দিয়ে,  
বইবে আমার ঘরে !  
যখন তা'রা পেছন ফিরে  
চাইবে তোমার পানে,—  
দেখ্বে,—তুমি আছ তা'দের  
বুকের মাঝ খানে !  
তুমি তা'দের জাগিয়ে দেবে,  
যুম পাড়াবে তুমি,—  
তোমার স্নেহের বর্ষাধারায়,  
সরস র'বে তুমি !

কে বলে গো নাইক তুমি,—  
বিরাট মূর্তি তব  
সঙ্কীর্ণতার গণ্ডী চেড়ে  
ছেয়ে আছে সব !  
তুমি আছ,—তাইত প্রিয়া  
আমি আছি বেঁচে,  
তুমি আছ,—তাই ছেলেরা  
বেড়ায় হেসে নেচে,—  
আকাশ হাসে—ধীর বাতাসে  
ভানে পাখীর গান,—  
নদীর কূলে কুমুম দুলে  
আকুল করে প্রাণ !

## লীলা ।

আজকে প্রিয়া, — আজ অমাদের  
সাধের হোলিখেলা, —  
শূদ্রে শূদ্রে ছড়িয়ে আবিব  
মাত্ছে সকাল বেলা !  
উঠছে মেতে আলোয় তোমার  
মেঘগুল আজ রেঙে,  
তোমার আলোয় সকল আঁধার  
যাচ্ছে আজি ভেঙে !  
সব লালে লাল, — ওগো প্রিয়া, —  
তোমার চুম্বনে, —  
আজকে উষায় হোলিখেলা  
খেলব দুজনে !



- আলতাপরা পা দু'খানি  
মেঘের উপর ফেলে  
রাঙা সাড়ী উড়িয়ে দিয়ে  
যাচ্ছ বাতাস ঠেলে !  
লুটিয়ে পড়ে আঁচলখানা  
ধরার কোমল গায়,—  
চমকে উঠে' উষা তোমার  
আগমুনী গায় !  
তোমার আঁখির স্নিগ্ধ আলোয়  
বিশ্ব উঠে জেগে ;  
• 'অলস অনিল চমকে উঠে'  
বহিতে থাকে বেগে !

নিত্য তুমি বিশ্বে বিশ্বে  
খেলছ যে এই খেলা.  
নিত্য তুমি আস্ছ যাচ্ছ  
সকাল সন্ধ্যা বেলা !

## শানের গান

তুমি ছিলে, আছ তুমি,  
রবে চিরদিন,—  
তোমার মাঝে বিশ্বখানা  
হয়ে আছে লীন !  
দেখতে তোমায় পাইনি আগে  
এমন আঁখি মেলে,—  
কোন আলোক আজ হৃদয় মাঝে  
দিলে প্রিয়া জ্বলে !

নিতুই তুমি ভেসে আস  
উষার আকাশে,—  
নিতুই তুমি বেড়িয়ে যাওগো  
মলয় বাতাসে !  
ফোট-ফোট ফুলের মাঝে  
উঠছ নিতুই ফুটে,—  
পাখীর গানে নিতুই তুমি  
বেড়াও ছুটে ছুটে !

## পান্দের গান

নিতুই তুমি আস নেমে

ঘাসের শিশিরে,—

নিতুই আছ নূতন রূপে

বিশ্বখানা ঘিরে !

## মিলনের সাড়া ।

ঘুম কাতুরে ঘুমের ঘোরে

ছিল অচেতন,—

পাগলা ভোলা স্বপন-দোলায়

ছুলিয়ে দিত মন !

ঘুমিয়ে পড়া শিশির-ঝরা

চাঁদের আলো এসে

বাঁশবাগানের আড়াল থেকে

উঠত হেসে হেসে !

পাগলামিতে জীবন ভরা,—

ঘুমের মাঝে জাগা,—

রাগের মাঝে হাসির লহর,

হাসির মাঝে রাগা !

এল যখন উষার আলো

আকাশখানা ব্যেপে,

পাগ্লা তখন সেই আলোকে

উঠল দারুণ ক্ষেপে !

হৃদয়খানা বিছিয়ে দিলে

ঘাসের শিশির পরে,—

অশ্রুধারায় নয়ন দুটী

উঠল তাহার ভ'রে !

কা'র আবাহন,—ওরে পাগল,—

কা'র আরতি আজ ?

প্রাণ কাঁদান কাঁদিস্ কেন ?

নাই কি কোনও কাজ ?

উষার তরুণ অরুণ-কিরণ

বুলিয়ে দিল তুলি,—

ঝলমলিয়ে উঠল জলে

শিশির বিন্দুগুলি !



## পারের গান

ওগো আলো ! আমার আলো !  
তোমার ভিতর দিয়ে  
আমায় কর অমনি উজল,  
এগিয়ে চল নিয়ে !

হৃদয় আমার তোমার তাপে  
যতই যাবে গ'লে,  
বুকের শোণিত পড়বে ততই  
তোমার চরণ তলে !

হৃদয় চেরা রক্ত ধারায়  
পূজার এমন ক্ষণ  
বুথায় যেন যায় না বয়ে,—  
ফেরাস্নি রে মন !  
আহুতি তুই যতই দিবি,  
উঠবে ততই বলে,—  
কাঁদতে হ'বে ওরে পাগল  
লগ্নভ্রষ্ট হ'লে !

## পান্নের গান

ধীরে ধীরে নয়ন ছুটি  
এল তাহার বুকে,—  
পেয়েছে আজ হৃদয়ভরা  
আলোক খুঁজে খুঁজে !  
ধীরে ধীরে পড়ল ধরায়,  
অলস শিথিল দেহ,—  
ফিরেও আজ আর তাহার পানে  
চাইলনাক কেহ !  
ভাঙল না আর শেষের শয়ন,  
শেষের স্বপন তা'র,—  
কেউ দিলনা বিন্দুমাত্র  
অশ্রু উপহার !



## মহামিলন ।

মৃত্যু-শিঙা—বাজিয়ে দেবে,  
উড়িয়ে দেবে প্রলয় নিশান,—  
মৃত্যুসাগর উথলে উঠুক,  
নাঁতার দিতে বাঁধরে প্রাণ !  
মৃত্যুশিখা উঠুক জলে—  
বিশ্বখানা পড়ুক ঢ'লে  
মৃত্যু-কোলে,—বিশ্বখানা  
মৃত্যুমুখে এগিয়ে যাক,  
মৃত্যু আজি বিশ্বমাবে  
সর্বজয়ী হ'য়ে থাক !  
বাজুক বিষণ ঘোর শ্মশানে,—  
নাচুক মৃত্যু তা ধেই ধেই,—  
শ্মশানকালীর মূর্তি জাগাও,—  
মৃত্যু ছাড়া কিছুই নেই !



মৃত্যু মাঝে পেয়েছি আজ

নূতন যে এক প্রাণের ধারা,—

শূন্য মাঝে পেয়েছি আজ

পাগল প্রাণের পূর্ণ গাড়া !

জীবন আমার গেছে ভ'রে

মরণের ওই প্রভাত-করে,—

মরণে আজ কররে বরণ,—

নয়ক মরণ আঁধার ঢাকা,—

মরণ যে গো জীবনেরই

নূতন ভাবে ছবি আঁকা !

আপন জন সব হারিয়ে যখন

নয়ন জলে ভেসে থাকা,

হারিয়ে গিয়ে পথের মাঝে

চারিদিক্ই যখন ফাঁকা,

তখন প্রাণের কোন্ সে বাণী

কোন্ সে দেশের বার্তা আনি'

## পান্নের গান

হৃদয় খানি দেয় লুটায়

কোনু দেবতার চরণ-তলে ?

সবার চেয়ে আপন কে গো

জীবন যখন যায় গো দ'লে ?

ভিমির-বরণ শ্যামার পায়ে

তুমি যে গো রক্ত কমল,—

যুগে যুগে তুমিই যে গো

দিচ্ছ আলো সুবিমল !

জীবন মাঝে গভীর রাতে

বাজে বাঁশী তোমার হাতে,—

সেই সুরেতে, সেই ডাকেতে

কেউ আসে না আগিয়ে,—

সবাই তোমায় চেনে বলে

সবাই ঘুমায় জাগিয়ে !

সবাই তোমায় শত্রু ভাবে,  
চায় না তোমায় দিতে সাড়া,—  
আমি দেখি,—কেউ নেই আর  
বন্ধু ওগো তোমার বাড়া !  
যাক্ না ক্ষয়ে দেহ গুল,  
পথে মিশাক্ পথের ধূল,—  
তুমি আছ,—তাইত ওগো  
মুক্ত প্রাণের মিলন আসে,  
নূতন জগত হৃদয় মথি  
নয়ন জলে এমন ভাসে !

ক্ষুদ্র দেহের কাটিয়ে মায়া  
বিরাট্-মান্নে কাঁপিয়ে পড়,—  
ক্ষুদ্র মেঘে উঠে সদাই  
ভুবনদোলা বিষম ঝড় !  
প্রাণের উপরু খোলসখানা  
থাক্তে কিছুই যায় না জানা,—

## পাঙ্কের গান

তোমার স্নিগ্ধ কিরণ পাতে

নূতন বিশ্ব উঠে ফুটে,

অমৃতেরই ক্ষুদ্র বিন্দু

বিশাল হয়ে বেড়ায় ছুটে !

তুমি,—তুমি,—তুমিই শুধু

কোন সে বিশ্বে নিচ্ছ টানি—

তুমি,—তুমি,—তুমিই শুধু

যুচিয়ে দিচ্ছ সকল গানি !

যাছকের দণ্ড ছুঁয়ে

উড়িয়ে দিলে দেহ ফুঁয়ে,—

কোন ছ্যালোকের জ্যোতিটুকু

ঘোর তিমিরে উঠল ফুটে,—

কোন সে আলোক বিশ্বমাঝে

দিকে দিকে পড়ল লুটে !

